

ORDENANZA FISCAL REGULADORA DA TAXA DE SUMIDOIROS

Artigo 1. Fundamento e natureza

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora de Bases de Réxime Local, e de conformidade co disposto nos artigos 15 a 19 da Lei 39/1988, de 28 de decembro, reguladora das Facendas Locais, este Concello establece a Taxa de sumidoiros, que se rexerá pola presente Ordenanza fiscal, que atende ó previsto no artigo 58 da citada Lei 39/1988.

Artigo 2. Feito imponible

1. Constitúe feito imponible da Taxa:
 - a) A actividade municipal, técnica e administrativa, tendente a verificar se dan as condicións necesarias para autoriza-la acometida á rede municipal de sumidoiros.
 - b) A prestación dos servizos de evacuación de excretas, augas pluviais, negras e residuais, a través da rede municipal de sumidoiros e o seu tratamento para depuralas.
2. Non estarán suxeitas á Taxa as parcelas derruídas, declaradas ruinosas ou que teñan a condición de solar ou terreo, sempre que non fagan uso dos sumidoiros.

Artigo 3. Suxeito Pasivo

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que sexan:
 - a) Cando se trate de concesión de licencia de acometida á rede, o propietario, usufrutuário ou titular do dominio útil do inmovible.
 - b) No caso de prestación de servizos do número 1b) do artigo anterior, os ocupantes ou usuarios dos inmobles do termo municipal beneficiarios dos ditos servizos, calesquera que sexa a seu título: propietarios, usufrutuários, habitacionistas ou arrendatarios, incluso ocupantes en precario.
2. En todo caso, terá a consideración de suxeito pasivo substituto do ocupante ou usuario das vivendas ou locais, o propietario destes inmobles, o que poderá repercutir, no seu caso, as cotas satisfeitas sobre os respectivos beneficiarios do servizo.

Artigo 4. Responsables

1. Responderán solidariamente das obrigas tributarias do suxeito pasivo, as persoas físicas ou xurídicas a que se refiren os artigos 38.1 e 39 da Lei Xeral Tributaria.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5. Base imponible e Cota tributaria

1. A base imponible e liquidable desta taxa está formada polo importe da facturación polo servizo de abastecemento de auga, de conformidade co disposto na correspondente Ordenanza reguladora.
2. A cota desta taxa será do 40 por cento da base imponible e liquidable.
3. Naqueles casos nos que o inmovible non figure dado de alta no servizo de abastecemento de auga, a cota desta taxa será do 40 por cento da facturación mínima por auga que correspondería segundo a situación e uso do inmovible.
4. O cobro desta taxa farase por trimestres vencidos.

Os dereitos de enganche fíxanse nas seguintes cantidades:

- Por vivenda.....14,86 €
- Por local comercial..... 29,71 €
- No caso das plantas sen dividir, o importe obterase de multiplicar 29,71 euros polo número de vivendas que corresponda á planta tipo.

Artigo 6. Exencións e Bonificacións

Soamente se admitirán nesta Taxa as exención e bonificacións que veñan establecidas en Tratados e Acordos Internacionais ou en normas con rango de Lei.

Artigo 7. Devengo

1. Devéngase a Taxa e nace a obriga de contribuír cando se inicie a actividade municipal que constitúe o feito imponible, entendéndose iniciada a mesma:
 - a) Na data de presentación da oportuna solicitude da licenza de acometida, se o suxeito pasivo a formulase expresamente.
 - b) Desde que teña lugar a efectiva acometida á rede de municipal de sumidoiros. O devengo por esta modalidade da Taxa producirase con independencia de que obtivera ou non a licenza de acometida e sen prexuízo da iniciación do expediente administrativo que poida instruírse para a súa autorización.

2. Os servizos de evacuación de excretas, augas pluviais, negras e residuais, e da súa depuración teñen carácter obrigatorio para tódolos inmobles do municipio que teñan fachada ás rúas, prazas ou vías públicas en que existía sumidoiro, sempre que a distancia entre a rede e a parcela non exceda de cen metros, e devéngase a Taxa aínda cando os interesados non procedan a efectua-la acometida da rede.

Artigo 8. Liquidación

1. Cando se presente a solicitude de licencia de acometida liquidarase e esixirase a Taxa correspondente en calidade de depósito previo.
2. Se realiza a acometida sen mediar solicitude procederase a liquidar e notificar esixíndose o ingreso nos prazos previstos no artigo 20 de Regulamento Xeral de Recadación, sen prexuízo da apertura do correspondente expediente sancionador por infracción tributaria.
3. Unha vez autorizada a acometida, a xestión e recadación desta Taxa acomodarse ó procedemento previsto para os valores recibo (padrón, censo, matrícula etc.).

Artigo 9. Ingreso

1. As cotas desta Taxa liquidarase e esixiranse no momento de presentarse a solicitude, en calidade de depósito previo.
2. Cando se realice a acometida sen mediar solicitude esixirase nos prazos previstos no artigo 20 do Regulamento Xeral de Recadación.
3. Cando a Taxa se exaccione por padrón esixirase no período sinalado na tarifa, ou no seu caso, no que acorde o Alcalde ou Comisión de Goberno e o ingreso farase efectivo no prazo previsto no artigo 20 do Regulamento Xeral de Recadación para os valores recibo.
4. Os ingresos efectuaranse na Tesourería municipal ou en lugar que determine o Alcalde-Presidente.

Artigo 10. Infraccións e sancións

En todo o relativo a calificación de infraccións tributarias, así como das sancións que ás mesmas correspondan en cada caso, estarase ó disposto no artigo 77 e seguintes da Lei Xeral Tributaria.

DISPOSICIÓN ADICIONAL

Primeira. Declaración de alta

Os suxeitos pasivos substitutos do contribuínte formularán as declaracións de alta nos censos

ou padróns da Taxa e surtirán efectos tributarios no mesmo momento de presentarse a declaración, podendo prorratearse, no seu caso, por meses.

Segunda. Declaración de baixa

Os suxeitos pasivos substitutos do contribuínte formularán as declaracións de baixa no censo ou padrón da Taxa e surtirán efectos no período natural seguinte ó de presentación da mesma podendo, no seu caso, prorratearse por meses.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da Corporación na sesión celebrada o 19.10.1989, entrará en vigor o mesmo día da súa publicación no Boletín Oficial da Provincia, e será de aplicación a partir do día 1 de xaneiro de 1990, permanecendo en vigor ata a súa modificación ou derogación expresas.

Publicación B.O.P.: 27-12-1989

Modificacións realizadas:

	Acordo	Publicación B.O.P.
1 ^a	Pleno 07.05.1992	11.07.1992
2 ^a	Pleno 30.12.1993	25.03.1994
3 ^a	Pleno 13.12.2002	12.03.2003
4 ^a	Pleno 10.11.2003	26.12.2003
5 ^a	Pleno 08.11.2004	30.12.2004
6 ^a	Pleno 10.11.2005	29.12.2005
7 ^a	Pleno 13.11.2006	30.12.2006
8 ^a	Pleno 05.10.2007	11.12.2007
9 ^a	Pleno 02.10.2008	10.12.2008
10 ^a	Pleno 01.03.2012	24.04.2012